

貴池縣志

貴池縣志卷四

知貴池縣事陸延齡重修

輿地志

山川 三

大江

水經江水東至石城縣禹貢錐指江水東北經貴池縣北其對岸則桐城縣府志在府治北五里上自湓浦而來過

馬當山人池州府東流縣界至雁汊鎮三十里至黃湓入貴池界三十里至李陽河二十里至烏沙夾四十里至池口又東為梅根五埤溝凡六十里而至大通河出貴池界計一百五十里至荻港出池州府界

按水經敘江先過牛渚而後至石城誤

唐

聶夷中池州泛大江

貴池縣志

卷四

輿地志 山川三

一

蕭蕭晚景寒獨立望江堦沙渚幾行雁風灣一隻舷落霞澄返照孤嶼隔微煙極目思無盡鄉心到眼前遠山橫落日歸鳥度平川家是去年別月當今夕圓漁翁似相伴徹曉葦叢邊憶昔攜村酒相將上釣船狂歌紅蓼岸驚起白鷗眠今日趨名急臨風一黯然

宋

李綱江行至池州

理櫂適江干初欣眼界寬日蒸江氣白風約艣聲寒蔣詡謀新徑鍾儀只舊冠浮雲休蔽日直北是長安

春江徹底清沙尾見潮生朝氣噓成霧南風戰作晴岸移看

樹遠船穩信波平覽盡江山勝還悲萬古情

渺渺春江穩融融午睡腴夢回雙艫急望極片帆孤皺水風
還逆維舟日欲晡雲間數行雁冉冉下平蕪

春光搖畫鷁江影浸長天浪勢隨潮急渦痕逐艫圓避風依
島嶼防寇問人烟深念還愁絕高歌且醉眠

朝來問風信五兩向南飛旅泊愁春憾舟行與願違瓶梅空
的的岸柳已依依寂寞江南路那知自此歸

春江望不極慘淡起層陰烟雨濛濛溼雲濤渺渺深懷家千
里意報國一生心歎息知音少空爲梁父吟

貴池縣志

卷四

輿地志 山川三

二

杳杳楚天闊悠悠江浦清便風帆腹滿順水艫腰輕烟淡山
逾碧雲高雨易晴無心問漁父濁酒慰生平

古分江水

在縣西今涸漢書地理志丹陽郡石城分江水首受江東至餘姚縣入海又會稽郡吳縣南江在南東入

海水經注江水自石城分爲南江東與貴長池水合又東逕臨城合涇水又東與桐水合又東逕安吳縣又東旋溪水注之又東逕甯國縣南又東逕故漳縣南安吉縣北又東北爲長瀆歷湖口注於具區按隋唐後諸志無及分江水者近人因此詆孟堅道元之妄然言之鑿鑿必非無據今其道雖湮未可輕訾附載於此 照通志新增

黃湓河

府志河源三一出貴池西溪一出建德良禾嶺一出貴池魯祖山遠於唐田注於石龍潭會於沙溪爲黃湓湖

達江口有鎮有渡
明置河泊所後裁

本朝

周光鄰黃湓夾晚眺

黃溢夾口暮雲深棹倚空江望遠吟三楚風煙餘夕照二龍

蒼翠接秋陰汀蘆水落全吹雪野菊霜遲半綻金寂寞沙頭

對漁火數聲哀雁雜寒砧

新河

府志在羅剎磯傍即宋仁宗時所開車軸河當時以石牌灣之險鑿此河引江流入杜湖出池口以避之後因江面

日開礮石不甚為患而新河支流頗傷民田明知府何紹正築壩塞之隆慶間知縣姚孟賢濬治往來客舟俱拖船過壩以取便捷日久坍塌江湖漲溢則舞鸞鄉六七十里田廬被浸本朝乾隆二十九年知府李本樟倡修舊壩增築高廣內立重隄永免水患邑人應例州判吳明健捐築明健利濟之事知無不為二十九年三十二年兩次築隄計工逾數千一人任之李守議築重隄明健亦樂任其費為經久計價買民田以擴其基今重隄屹然西鄉得以安枕者明健之力也事聞皖撫以利物有濟額旌之

貴池縣志

卷四

輿地志 山川三

三

按形家言新河壩宜開收大江水為玉帶水於科甲

大利咸豐間水師開以泊舢船甲子冬闈獲雋正榜

二副榜一嗣土人塞之而三科不雋漆志所載云云

姑並存之以俟參酌

新纂

李陽河

齊召南水道提綱大江南岸池州府治貴池縣西境有張溪自南來注之註張溪即李陽河江南通志李陽河

源引大江以江流之消長為盈縮府志舊名李王河在府城西南六十里其上流為土壩所斷下達於江宋末徙桐城縣治於此明有驛有巡檢司今裁驛存巡檢司瀕江舊有太子閣圯中丞劉光美重建

宋

蘇舜欽留李王河驛會括蒼友人

斷港人猶說李王長江何必管興亡淮山終日空凝碧河柳

經秋未隕黃多謝長風留過客相看異地話同鄉行歌拾取
磯頭石攜袖歸來比夜光

闌江磯

府志在城西北六十五里
宋史作石碑其石橫江面

本朝
潘瑛闌江磯

闌江磯頭水濺濺橫亘白勃長且堅我騰欲上舟不前頭珂
腰環難久延順流乘風勢蹴天沒中流兮何時旋

羅刹磯

府志一名太子磯在城西六十里與長風沙相對唐孟
浩然所謂石逢羅刹礙宋梅堯臣所謂長風沙浪屋許
大羅刹石齒水下排者是也明建文四年黃侍中觀殉節於
此江岸有祠宋陸游入蜀記羅刹石在大江中正如京口鶻
峰而稍大白石拱起其
上叢篠喬木有小神祠

貴池縣志

卷四

輿地志 山川二

四

按此祠相傳爲昭明太子像俗呼那叱太子何經文
有記辨其訛

本朝
劉光美重修羅刹磯太子閣碑記略

聞之天地之大德曰好生故凡以禦災捍患爲職者莫非
心天地之心者也豈特有土者任其責惟神亦然江居四
瀆之一秩視侯有專祠典綦隆矣若數千里中危磯怪石
險巘突兀橫踞中流罔非神焉主之因各奉之以祀如貴
池闌江羅刹之險其最著者祠立於李陽之涯歷有年所
昔予筮仕貴池時值軍興旁午官舫戰艦與商檣征棹相

錯颿飛艣舞如適康莊終予任七載稱便焉庚申膺行取之命予詣祠與神別且祝曰異日得再臨江滸揖茲宇下誠予厚幸其能徼神眷否乎迄今垂三十年予以撫皖獲踐前盟神將視予若故人然乃顧瞻棟宇日就傾頽非所以棲神者神旣懋生人之功而報功之典懈焉亦舊主人之恥也爰捐俸二百緡命郡大夫更新之予惟今之神祠強半不經者若水神之稱號事蹟予置勿深辯其廟祀徧天壤正祭法所謂能禦大災捍大患則祀之者也夫江瀆之專祀統全江而云然者譬諸方伯連帥之尊也所在江干之分祀者譬諸畫疆分職之各有攸司功不可泯血食於其地也允宜方今

聖天子在御河清海宴頻年朝士銜使命束帛刑牲祭告嶽瀆以昭明信神必習聞予欽承斯命竊廣生人之意再與神約神其益懋爾功凡爲國計民依者惟神利濟之俾皆獲安穩無恙而且萑苻以靖陂堰以固民災禦之民患捍之好生之德孰大於是予之蒙神福以答民情將終皖之任如貴池焉是則予之報神者無盡也

何經文太子磯廟辨

江東爲六朝舊都梁武帝太子昭明讀書池陽與高齋十學士搜集遺文校讐成帙故文選一樓獨此最盛池之西爲李陽中流一磯屹立傍有高臺傑閣題曰太子廟昭明有公文教後人祠而祀之理固然也何人不知所考因其磯名羅刹競傳爲佛乘中哪吒太子遂借伊蒲塞之饌嗟乎同泰捨身旣墟武帝社稷復奪昭明俎豆何其烈哉余舟楫上下每過其地至則必沽村醪酌之時與同儕辨論顧世惑浮圖無有是予言者夫大孤小孤傳爲姑而名其廟拾遺官職也後人有稱十姨之誤今以太子名磯以太子立廟非昭明而誰哉

貴池縣志

卷四

輿地志 山川三

六

訛謬相沿往往如是獨皖倅謝公題是廟有文章不磨之句誠通達君子不牽世俗者也爲哦吟者久之日暮登舟甫就枕有冠冕黼黻如廟中儀像撫余而言曰昔昌黎氏闢佛教儒林謂其功不在禹下子固知余者毀淫祠立正祀毋亦有是意乎余驚愕而起因呼燈滌筆爲記詰旦薰沐以告於神且伐石立碑於廟左以俟夫後之考古君子使吾輩一瓣香不爲浮圖家所竊踞也

本朝

查慎行羅刹磯弔黃忠節公

天道本好生無端殺機伏惻然遜國際罹此靖難酷天下自

一家諸臣義不辱侍中初出亡乞援向誰哭勢窮繼以死初
念固不欲漸漸羅刹磯洶洶怒濤蹴嗚呼蒙葬地乃在江魚
腹賢哉翁夫人偷生不忍獨提攜及二女感激到童僕舉家
十三口同日死江曲真難贖百身竟用全九族當時故吏士
過者不敢目藁葬同一墳招魂倘來復易名雖兩經廟貌尙
未肅我思鑄遺像鎮此千山麓貧賤復何言詩成淚盈掬

王士正羅刹磯

羅刹磯頭落日懸侍中遺跡至今傳楚纍有憾沈魚腹蜀魄
何心化杜鵑家國幾看陵谷變江山猶痛革除年清溪血影

貴池縣志

卷四

輿地志 山川三

七

留遺石巾幘還應愧世賢

宋犖望太子磯

路過樅陽口遙看太子磯小山橫碧浪古廟冷朱扉曝日靈
鼉上銜魚水鳥飛何當佩笏簪一棹此中歸

曹曰瑛羅刹磯輓黃侍中

兩地同心赴碧流一門大節足千秋援戈力盡難回日蹈海
身輕學泛鷗羅刹烟波供俎豆賽虹風雨泣松楸祇今怒浪
東奔急猶帶兵聲撼石頭

馬踏石磯

府志在城西四十里

烏沙夾 府志在城西
北四十里

明 管納烏沙夾

曉過烏沙夾秋風萬斛舟青天雲際雁白浪水中鷗兄弟皆

良會江山足勝遊行紅日近佳氣靄皇州

黃龍磯 府志在城
北五里

池口河 水道提綱注池河俗曰雲溪河至池州府西北入大江
曰池口府志在郡城北五里古稱貴口亦稱鱣口宋始

稱池口宋書龍驤將軍張興世破劉胡軍於貴口即此處池
水源有四一出石埭之櫟山至香口一出古源流六十里至
唐村二水合為雙河口達於七里下至龍舒河一出石嶺折
於龍舒河至殷家匯一出東源經上溪衆流會於秋浦沿洄
於殷家匯鍾為谷潭決為岸埠港注於杜湖入江口上有宋
時翠光亭卸帆亭今皆失其址明季有驛有倉有鎮為左良

貴池縣志

卷四

輿地志 山川三

八

玉屯兵
所燬

吳非貴口辨

貴口秋浦之流所自入江也今稱池口為水道要衝崇禎癸
未清明日楚帥左良玉移師來屯月餘還鎮武昌乙酉四月
初左又拔營向闕左夢庚屯四十餘日乃下板子磯師潰始
返案宋書張興世傳沈仲玉至貴口不敢進遣間信報劉胡
令遣重軍援接張興世壽寂之任農夫李安民等至貴口擊
之與仲玉值交戰鄧琬傳張興世屢戰捷仍進斷賊上流錢
谿貴口苦戰平定凶逆李安民隨興世遏斷錢谿別統軍貴

口破賊揚覆有貴口功齊書李安民傳僞軍主沈仲玉引軍自鱣口欲斷江安民進軍合戰破之論鱣口功封邵武縣子是一戰而宋齊之書貴口疊見也以姥山處其上梅根當其下爾時貴口之戰上下兩地皆砦口斷江曰上流姥山梅根實濱江蕭景陽撰齊書於鱣之文加魚雖篆書無之猶夫逐夷之爲鯪鯪時魚之爲鮠也魚以時出而名鮠漢武逐夷至海食漁人所造魚腸遂名鯪鯪貴口之爲鱣蓋以梁昭明食魚而美封於貴池也貴作鱣奚疑焉綱目質實注貴口於銅陵以貴山之口當之夫貴山去縣東六十里與南陵接壤宋齊之書不應稱上流斷江且志稱貴山以宋羅京之貴得名羅爲理宗紹定間人又不應以趙宋爲劉宋也質實譌貴池之口於貴山之口凡讀史者略過矣胡三省注司馬公通鑑於貴口則云今之池州貴池口也斯爲得之

宋 朱熹送劉旬甫之池陽省覲遂如行在所上計

雨雪成歲暮之子遠徂征酌酒起相送慨我別離情池陽實大藩佐軍屈時英子行一請覲上計趨吳京良玉懷真操芳蘭含遠馨臨歧一珍重卽此萬里程

文天祥池州

五老湖光遠九華山色昏南冠前進士北部故將軍芳草江
頭路斜陽郭外村匆匆十年夢故國黯銷魂

明
解縉池口阻風

避風貴池口維纜臨洲渚白浪如山捲雪花黑雲布地飛陰
雨此時魚龍爭沈浮江湖石裂無安流馮夷擊鼓怒鼉吼恍
惚可以追冥搜須臾雲散風暫息移舟買酒澆胸臆鮮魚須
得豈問錢縱飲高歌忘岑寂便覺紅光侵人顏推篷且看池
陽山九華蒼翠杯中墮對景不復論鄉關尊前攜手有知己
前程嗟歎徒爲爾青雲有路待我來一日南風歛千里

貴池縣志

卷四

輿地志 山川三

十

本朝
王士正泊池口

秋浦猿聲夜孤舟客乍聽星星見漁火已到卸帆亭

清溪

元豐九域志池州治貴池縣有清溪鎮府志在府城南舊有河泊所今裁其源二一從府城西南出考溪石嶺與峽

川交於白洋匯於江祖潭注於上清溪鎮沿流與上洛嶺之水達於平天湖湧於黃沙灘過齊山湖瀉於通濟橋激於響水灘一從城東南出太婆山注於白沙折於鰕湖遠於東塘合三水之流至下清溪鎮出口入大江宋張太守士翊繪清溪圖城南有唐弄水亭遺址宋陸游入蜀記乾道六年七月二十五日晚登弄水亭杜牧之賦詩所也亭殊不葺然正對清溪齊山景物絕佳池陽名勝類編清溪鎮有宋清溪亭遺址明副使馮叔吉築千柳隄

唐
李白清溪雪夜對酒客有唱鷓鴣者

披我貂襜褕對君白玉壺雪花酒上滅頓覺夜寒無客自桂

陽至能吟山鷓鴣清風動窗竹越鳥起相呼恃此足爲樂何
煩笙與竽

又清溪行

清溪清我心水色異諸水借問新安江見底何如此人行明
鏡中鳥度屏風裏向晚猩猩嗥空悲遠遊子

又宿清溪主人

夜到清溪宿主家碧巖裏檐楹挂星斗枕席響風水月落西
山時啾啾夜猿起

又清溪夜半聞笛

貴池縣志

卷四

輿地志 山川三

十一

羌笛梅花引吳溪隴水清寒山秋浦月腸斷玉關聲

杜牧清溪

弄溪終日到黃昏照數秋來白髮根何物賴君干遍洗筆頭
塵土漸無痕

劉長卿清溪館

萬嶺猿頻斷孤村客暫依雁過彭蠡暮人向宛陵稀舊路青
山在餘生白首歸漸知行近北不見鷓鴣飛

宋

蘇舜卿追和牧之弄水亭詩韻題清溪圖

池陽瀕大江羣山勢騫舞高薨出麗譙萬星駢民伍泱漭清

溪流光照城南戶飛梁壓水天荒亭仆風雨載酒客誰來弄
水人已去蒼烟帶林薄綠野分畦圃賈櫓攢比櫛魚舍低殘
堵秋色漱玉漪夕雲閒映渚蕭蕭蒲柳脫槭槭葭蘆語游鱗
數儵尾沈影窺雁羽泚毛寒未減珠光時自吐隨流長隄盡
當道奔石怒十里青瑤堆崑訝爭刻露僧居草棘翳仙洞霞
霏貯卻還望翠微絕憐浸秋浦太白與樊川千載不可遇搖
筆想吟詩攜壺記遊處何當占民籍便欲棲村隴磯釣具竿
綸畝耕供臼杵暫遊竟返棹微言謾紆組中情託謠詠萬象
恣嘲侮九華興未已剡水期空負忽見張公圖如得千金賂

貴池縣志

卷四

輿地志 山川三

十一

沈微正爭席榮誇無負弩悠悠山水思冉冉年歲暮展卷倘
頻來猶堪浣塵土

孔武仲清溪詞

譙門之內溪水長斜暉倒閃青銅光下與長江作支股愁霖
漲天江潦黃江潦黃入清溪清溪到底終無泥還如初出秀
山時

王十朋泛清溪

清者未必貴貴者或不清胡爲貴池內卻有清溪名清貴兩
相足造物如有情溪有夷屈風池非趙孟榮三秋冷浸月十

里光涵城真可弄茲水更堪濯吾纓天亦知我意故令居水
精水精豈吾居龍湫老餘生滿壁畫清溪坐覺名利輕

孔平仲寄林黃中

自注時黃中泊舟貴池口予泊清溪口東西相去不十里

郎星夜照貴池口漸見祥光燭牛斗甘棠遺愛留潯陽盡道
前無此太守我亦弭楫清溪灘秋風吹浪高於山與君相去
纔咫尺形影隔絕烟波閒晨起揚帆欲東去風伯江神兩俱
怒吾儕行止端由天天氣未佳聊且住

按李志載爲王十朋作新纂

蘇軾清溪詞

大江南兮九華西泛秋浦兮亂清溪水渺渺兮山無蹊路重

貴池縣志

卷四

輿地志 山川三

十三

複兮居者迷爛青紅兮粲高低松十里兮稻千畦山無人兮
雲朝躋靄濛濛兮滄淒淒嘯林谷兮號水泥走鼉語兮下鳧
鷺忽孤壘兮隱重隄杳冥茫兮聞犬雞鬱萬瓦兮烏雲齊浮
軒盈兮飛拱枿雁南歸兮寒蜩嘶弄秋水兮挹玻璃朝市合
兮雜耄倪挾簞瓢兮佩鋤犁鳥獸散兮相扶攜隱驚雲兮鷺
長霓望翠微兮古招提挂木杪兮翔雲梯若有人兮悵幽棲
石爲門兮雲爲閨塊虛堂兮法喜妻呼猿狙兮子鹿麕我欲
往兮奉杖藜獨長嘯兮謝阮嵇

元

貢奎清溪圖

溪上桃花山下舟六朝遺事寄東流春風無限關情處猿鶴

依然識舊遊見李志
新增

明 余翹清溪聞

紈如無計挽林公誰向清溪竟聞工自注林兵憲造
聞工甫舉遷去十里湖

光留不住千年遺憾水聲中見李志
新增

本朝 汪林清溪晚渡

日暮客心急渡頭爭晚槎魚罾都挂樹塔影欲沈沙高樹明

殘照空潭蕩落霞謫仙留宿處隱隱起悲笳見青山
集新纂

劉婆磯府志一名流波
在城東十里

貴池縣志 卷四 輿地志 山川三

十四

赤山磯府志在城
東三十里

郭港河府志在府城東北三十里瀕江要害處也相傳為郭璞
憩息處有郭公題名碑郭璞曾為宣州刺史殷佑參軍

必游覽其地
故土人名之

本朝 周光鄰郭港阻風感吟

五月滄江水驛寬風波聊喜得平安青山滿眼非吾土白首

何心尚此官鷗鷺巢林朝雨急魚龍吹浪夜燈寒茫茫世事

誰堪料擊劍長歌行路難

梅根河水道提綱大江南岸有梅根港口注在貴池縣東北境
府志在城東北四十里源有二一出九華山為觀前河

一出太婆山瀉於馬牙橋遠龍潭與五埠溝之水交於雙河
達口以入江吳置冶於此故名梅根冶冶或作野齊武帝詩

曰昨經樊鄧役阻潮梅根冶探懷悵往事意滿辭不敘按冶
叶作渚劉長卿詩日落日蕪湖色空山梅野烟孟浩然詩日
水溢梅根野煙迷楊柳洲此並以野爲冶也宋陳慶立砮梅
根梅根有鑄錢監故謂之錢谿宋書鄧琬傳陳慶至錢谿不
敢越張興世傳興世謂攸之等曰上流惟有錢谿可據卽此
處唐南陵錢監有鐵官羅隱兄弟隨父居此梁庾信枯樹賦
曰北陸以楊葉爲關南陵以梅根作冶蓋唐
以前其地屬宣城之南陵縣故唐因之立監

晉

陶潛乙巳歲三月爲鎮軍建威將軍使都經錢谿

我不踐斯境歲月好已積晨夕看山川事事悉如昔微雨洗
高林清飆矯雲翮春被品物存義風都未隔伊余何爲者勉
勵從茲役一形似有制素襟不可易園田日夢想安得久離
析終念在歸舟諒哉宜霜柏

貴池縣志

卷四

輿地志 山川三

十五

明

吳與弼次梅根

風色蕭蕭生暮寒月明催棹下奔湍孤舟穩繫更相勞又得
長江一日安

管訥和陸伴讀闔過梅根

江行愜素懷遐覽匪遊冶開篷望九華隱隱白雲下素波明
遠川青天入平野烟樹淡若無風泉斷還瀉因知羨陂舟差
勝習池馬斯遊樂未央我輩胡爲者

大通河

水道提綱大江經銅陵縣西南境有大通河府志在府
城東北六十里貴池與銅陵縣接界其源自青陽者四

一出九華山一出分流嶺達臨城河經峽山一出黃蘗嶺經
木竹潭一出水龍山經雙河匯於管埠自銅陵縣者三一出

梅衝山一出伏牛山一出天門山會於車橋與諸水交於將軍灘達大通河以入江

白洋河

通志縣南三十里有鎮府志有二源一出九華山一出縞溪至南山合流又西匯爲龍潭達西華巖過大樓山

經桃波峽川之水注焉至白洋南畝河之水注焉又經南塘灣萬羅山會諸水繞郡南門爲明堂水由清溪入於江

洿溪

舊志在城南開元鄉一作縞溪

本朝

曹曰瑛縞溪築屋書懷

環合溪山覓徑通誅茅喜在故園中忽驚三世百年客小築
千峰半畝宮入世繁華原幻夢傳家耕鑿有淳風奉親倘或
長居此日侍琴書樂未窮

漸開三徑九華西子舍書堂取次齊過雨芙蓉當戶秀近溪

貴池縣志

卷四

輿地志 山川三

十六

鷗鳥拂雲低衣冠鎮日留虛榻邱壑隨時信短藜此境頗宜
疎懶性逕辭車馬戀幽棲

桃波

舊志在城南四十里源出峽川洿溪

明

劉城遊桃波記

桃波見於太白歌余愛其名故數至焉丙戌夏初溪漲陰濃
綠紋織水上季秋再過木葉脫而平沙白矣今戊子仲春十
日宿霧旣收新流初駛土人方壘石中流便徒步水與相搏
激而有聲微風拂之如鳴珮環和且善也岸東爲中達雖兵
燹之餘索綯茅屋不數家顧平疇空闊草樹青蔥觸目交心

皆有清淑之氣傳謂三月桃花水今扶杖滄浪已若瓣花浮
出者水甯有是吾意中太白爲之也李詩郡志及今本皆云
桃波一片地了了語聲聞閭與山僧別低頭禮白雲按舊本
閭作闕猶言人與僧別也或云白雲卽寺名果爾則闕義尤
長桃波不從陂李詩自有意而土詩相沿余別有歌是正之
是日先過古仙洞發其幽奇又西渡至殷墓興感古今而皆
緣始於桃波也故記

本朝
曹殿奇雨霽過桃波

不辨空濛影峰嵐青到天桃花飛鏡水開過大樓前林雨灑

貴池縣志

卷四

輿地志 山川三

十七

殘照柴門沈暮烟閒隨白鷗侶一訪杜樊川

峽川 府志在城南五十五里兩山夾水而出故名
其西山有宋淳祐五年柯某開崖路石刻

姚翔峽川訪劉嶧桐徵君隱居故址

西山山畔暮雲橫遺老當時此避兵築室人憐袁夏甫紀年
詩學晉淵明鳴流似爲無居憾孤息還因兩祀生萬壑松風
成逸響依稀疑聽讀書聲

南唐灣 府志在城南二十
五里其間有焦潭

觀前河 采訪冊發源九華匯六泉口經五溪橋瑤池蕩
下洋河瀦繞鬪龍觀前迤邐出梅根入大江

下嵩河 采訪冊在受三保與二保三之間其源二一由天臺山
後繞青陽邑城而下交於南河一由木竹潭直下注於

塔潭合衆流環繞許姓
池河北出大通入江

烏杜河 采訪册在城南二十五里其源有三一出福字嶺由甌
橋及管家榨而來一出紫巖亦由管家榨來一出檀婆

山由桂家阪而來共流至大賽合
殷匯水流至谷潭歸池口入江

恭濬河 舊志作恭川采訪册河發源於吳山俗名源頭流五里
至古源山又五里竹溪之水注焉又五里至珂田又三

里至羊市村使力阮之水注焉又二里至徐村彭溪之水注
焉又五里至詹陂又五里至葉村南村棹阮之水注焉棹阮

有漏泉合長隴姚家隴二隴水入石洞伏流五里分三洞出
至南村達河又五里至湘阮口湘源之水注焉又十五里至

碧潭利市阮之水注焉阮有二源一出鯉溪一出摩空嶺下
又十五里至高田大剡溪之水東注焉溪發源於橫山有金

釵潭雪泉古雪山民釣臺小剡溪之水西注焉溪北有石屋
崖西有仙人塘合流二十里至掛榜山達河又五里至佛座

山參溪之水注焉溪發源於白石嶺流十五里至曹家阮口
達河又二里至大河口貨殖阮歇阮之水注焉貨殖阮發源

貴池縣志

卷四

輿地志 山川三

於上破石流二十里出口歇阮發源於歇嶺會柯兒阮水二
十里達河又三里至潭石崖有逸民唐蟄釣臺及唐勝公渡

香溪之水注焉繞唐村縣丞署而下與香口河會名曰雙河
口河有紗帽石流三十里至插柏巖崖石壁立其上多柏俗

呼為仙人插柏杏溪之水注焉杏溪有二源一出於張姓
魚龍洞一出於梓桐嶺又二十里至虎子渡入秋浦河

龍舒河 舊志在秋浦之北相傳為蛟龍暴漲所舒采訪册河有
二源一出白沙嶺一出新嶺至石門合流又西十五里

至筇陂又西五里至棠溪又西三十里為龍舒河至潮溪雙河口與
阮河自南來注焉又西三十里為龍舒河至潮溪雙河口與

恭濬河會
為浦水河

蕭阮河 采訪册河有二源一發源於杉山一發源
於茶阮至黃土嶺合流至梅村入仙溪河

秋浦 元和郡縣志秋浦水在縣西八十里府志在城西南七十
里長八十餘里自石城至池口皆是舊志隋所置縣治在

今城西南八十里長八十餘里歌詠甚夥又自秋浦以下池口以上
家焉留滯於此者三年歌詠甚夥又自秋浦以下池口以上

名秋口浦采訪册浦水源出恭濬河經虎子渡泥灣至雙河口與龍舒河會又至琅山匯爲玉鏡潭又十里至殷家匯又七十里至池口入於江

本朝
朱彝尊秋浦

秋浦沙寒鷺宿敬亭山暝雲流何處吹來片雨回風正溼鄰

舟

吳銘道秋浦

晴天放釣鈎選石野橋頭翠發秀山秀風生秋浦秋樹低先得月舟小不驚鷗游倦忘身世悠哉自在流

章洪含秋浦

貴池縣志

卷四

輿地志 山川三

十九

秋浦涵秋影澄鮮玉鏡瑩水流千澗碧波定一潭清高士堪垂釣詩人此濯纓瀟湘如在望嘯咏暢幽情

雙溪河

采訪册在城南三十里其源有二一自黃楊石上洛嶺府基過脈處而來一自轎頂山白雲寺而來至雙河口

合流入殷家匯大河

東源河

采訪册河源出豐泉上通三聖仙姑廟匯於龍潭環繞竹塘內有大石形如棋盤古名棋盤石至倒馬潭通秋

浦河由殷家匯達於江

黃公溪

采訪册在原三保官隱山下城南三十里溪上有菴明黃侍中少時讀書於此故名

明

黃觀溪上晚眺詩

日暮碧雲靜餘霞天際紅村烟遠近裏山色有無中古樹斜

陽暗孤峰淡月濛門開一澗曲星影落橋東

上溪

舊志在城西九十里其水東注秋浦
舊上下二港故名雙溪今下港湮

浯溪

府志在城西南百里源出茅嶺蘆田嶺分水嶺諸山下
匯於秋浦溪旁木石蔥蘢秀拔有似永州之浯溪故名

杏溪

舊志在城西南二百二
十里其源出自東阮

西溪

舊志在仁四保胡
氏自唐以來居此

珍溪

舊志與石埭
之十三都界

貴池

水經作貴長池元和郡縣志貴池水在縣西七里梁昭明
太子以其魚美封其水為貴池水道提綱大江兩岸有池
河自南來注之即貴池水府志自秋浦以下八十餘里皆是
故池口即水經之貴口前志稱昭明太子封為貴池即此地
但唐時縣仍秋浦至
楊吳始改為貴池耳

貴池縣志

卷四

輿地志 山川三

二十

唐

羅隱貴池曉望

稂莠參天翦未平且乘孤棹且行行計疎狡兔無三窟羈甚

賓鴻欲一生合眼亦知非本意傷心其奈是多情前溪如泊

誰為主昨夜沙禽占月明

宋

黃庭堅貴池

自注池人祀昭明為郭西九郎
時新覆大舟人以爲神之威也

橫雲初抹漆爛漫南紀黑不見九華峰如與親友隔憶當秋

景明九老對几席何曾閉篷窗卧聽寒雨滴不食貴池魚喜

尋昭明宅筆硯鼠行塵芝菌生銅鬲思成佳句夢遺老錦數

尺屬者浪吞舟風雹更附益老翁哭婦兒相將難再得存亡

如日月薄蝕行道失流俗暗本原謂神吐其食神理倘有私
某禱久矣默

華岳貴池秋晚

暮色千林薄秋空萬里長寒蟬鳴曉樹歸棹發斜陽水遠天
空碧風高葉脫黃星星老蓬鬢不覺到潘郎

官池

舊志在白
面山下

神龍池

舊志有二一在崇義鄉旱禱
雨輒應一在興孝鄉大剡阬

蓮花池

舊志在池陽勝槩坊
之北廣延一里許

五埠溝

舊志九華五溪支流溝凡
二相去五里皆入於江

貴池縣志

卷四

輿地志 山川三

峽山溝

采訪册水
出大通河

白雁溝

舊志近
清溪

齊山湖

舊志在城南王十朋詩所謂城南風物似西湖齊山圖
畫志在翠微隄下本清溪水夏秋間瀦於此從東北瀉

興濟橋出
清溪口

宋

曹緯自齊山泛湖歸家

十里平湖漫不流晚風吹浪打行舟定知歸得侵燈火家在
菰蒲最盡頭

明

錢德洪齊山歸舟贈柏軒丁丈

七十高懷學壯遊千峰踏破泛湖舟隄橋月色歌聲發笑倩

兒孫勸酒籌

余翹齊山湖

湖光何必減西冷只少遊船併水亭我與江山略粧點菰蒲
深處一孤舲

倏在新隄倏舊橋往來無定似萍飄家人何處尋蹤跡但聽
蘆中吹短簫

幸無紗帽罩閒身謝得天公縱隱淪管領池陽山水事翠微
湖上一漁人

城頭有月湖無月翻憾六峰山太高急爲移舟山缺處一鉤

貴池縣志

卷四

輿地志 山川三

二二一

早得照尊醪

齊山洞口足盤旋古蹟荒蕪不記年我欲草間盡搜出寺前
十日不開船

今晨擬泊釣橋邊浪起南風不進船回船直下隨風勢又有
齊山一日緣

鄭三俊月夜泛齊山湖

月明天在水四山渺一色涵虛動清影波光碎流月前江漁
火亂櫂歌時一闋我意欲何如爲擊唾壺缺

吳應箕同友泛舟至齊山

正在秋冬際還宜山水閒因舟得濟勝觸景可開顏覽眺情
無極蒼茫色帶殷持杯亦偶爾新月待人還

本朝

曹風秋夜集湖上賦得家在菰蒲最盡頭

家在菰蒲最盡頭夕陽烟水送羈愁漁歸岸閣燈千點雁落
天空笛一樓別嶂有猿皆嘯月長隄無樹不吟秋同心共託
蒹葭老載得離騷伴夜遊

平天湖

府志在城西南十里本清溪之水由江祖潭上洛嶺以
下瀦而爲湖李白秋浦歌水如一匹練此地卽平天是

也

本朝

章永祚南湖記

貴池縣志

卷四

輿地志 山川三

一三三

池郡之陽川流一線遶郡治東達於江曰清溪溪長二十里
許形勝志所謂清溪南來也川自九華至清溪岡益平地益
曠周圍四五十里匯川流爲巨浸曰平天湖李白所謂此地
卽平天也面湖枕清溪第二曲曰南關鎮余家居此六代矣
是湖之勝映帶左右得而專之竊取以自號焉當其衆壑奔
趨江潮倒灌齧日浴山汪洋萬傾登高以望吾鎮若荷錢之
貼水而隨波動盪也及水落草齊白羊縱牧維莫之春彌望
菜花金碧一色盛暑旣夕搖白羽扇坐柳陰納涼及水澈無
痕秋光屆望則夜駕小艇緣蓼灘酌酒酬月若夫積雪橫鋪

晚晴凝睇又森然若白玉之墀其平如砥厥產浸宜菱芡涸
宜蒿薺崖有桃柳弋有鳧雁魚有鱗蝦朝有遠岫之嵐夕有
銜山之照風有帆檣之迅駛雨有煙波之蓑笠蓋四時朝暮
變態百出而湖之勝於是極矣客有謂余爲郊外野人者余
曰野則野耳君烏識野趣乎且是土也先人之敝廬在焉湖
山之佳致聚焉余之獨專其勝也固宜旣語客退而自恣焉
人以地重乎地以人重乎南湖固天然最勝處居此而名不
朽者惟宋華子西一人而已至今關口石狻貌父老猶指爲
殿帥家故物向使子西先生當韓史奸國之時不能奮其忠

貴池縣志

卷四

輿地志 山川三

二四

烈以撓逆鋒至百折不回杖死東市而不悔卽爵位炫赫一
時其里居亦或不傳也余碌碌無狀居是里專是勝人地不
相稱實甚雖然居南湖者烟火相錯能領略野趣者或少惟
漁工水師日習不厭問其勝亦同歸於不知耳漁工水師所
不能領略者而余能之則謂余差勝於漁工水師亦可旣竊
以自號亦爲之記焉

本朝

舒光燦夜月泛平天湖

游泳懷昔賢溯洄水中沚匹練託清歌還問源頭水

杜湖

府志在城西四里上泝殷家匯下達池口明初設河泊所
嘉靖間裁名勝志以刺史杜牧嘗遊故名或曰牧遺腹子

荀鶴別業
在焉故名

唐 杜荀鶴贈湖上漁家

見君生計羨君閒求食求衣底事難養一箔蠶供釣線種千
箇竹作魚竿胡盧杓注春醲酒舴艋舟流夜漲灘卻笑儂家
最辛苦聽蟬鞭馬入長安

本朝 陳其勳杜湖

上下烟雲聚湖光翠欲流波淘梅嶺腳浪激小磯頭皓月穿
松牖和風送客舟遙知當日者賴有杜公遊

王爾綱池口阻風換船入杜湖卽事

貴池縣志

卷四

輿地志 山川三

二五

爲阻江干浪重牽河上風山連平野綠水浸遠天紅月隱疎
林內旗翻落照中遙憐同伴者此夜有誰同

蝦湖

府志在城南六十里南姚
之南李白嘗宿其地今涸

唐 李白宿蝦湖

雞鳴發黃山暝投蝦湖宿白雨映寒山森森似銀竹提攜采
鉛客結荷水邊沐半夜四邊開星河爛人目明晨大樓去岡
隴多屈伏當與持斧翁前溪伐雲木

東塘湖

府志在城
東十里

月港湖

舊志在城
北二十里

黃湓湖 舊志湖口通江其地多漁梁有河泊所

鸞湖 采訪册在城西四十里

江祖潭 舊志在江祖石下

玉鏡潭 康熙府志玉鏡潭本屬清溪之水故太白題為清溪玉鏡潭而其詩曰溪當大樓南溪水正南奔回作玉鏡潭

澄明洗心魂言大樓即大樓山也溪水即清溪水也盤回作潭瞭如指掌宋周必大從江祖興道院至石邊攀緣而下得小舟泛清溪水正碧色下淺灘數里至玉鏡潭水自南來觸岸西折灣環可喜潭深纔二三尺證以李白詩歎為實錄乾隆府志潭有二一在江祖潭下數里許唐李白名注在桃胡陂下今陂舊處已失其水下清溪為青蓮舊遊處一在琅山趾有石刻玉鏡潭三字旁題端平甲午毅齋陳應直書並立舊志所載風清月皎之夜有白圓光飛映石壁者是也其水口下池

貴池縣志

卷四

輿地志 山川三

二六

唐

李白與周剛清溪玉鏡潭宴別

原注潭在秋浦桃胡陂下余新名

康樂上官去永嘉遊石門江亭有孤嶼千載跡猶存我來遊

秋浦三入桃波源千峰照積雪萬壑盡嘯猿興與謝公合文

因周子論埽岸去落葉席月開青尊溪當大樓南溪水正南

奔迴作玉鏡潭澄明洗心魂此中得佳境可以絕囂喧清夜

方歸來酣歌出平原別後經此地為余謝蘭蓀

倉埠潭 府志在城西西南七十里石城故址之下隋時置倉於此今故址猶存

鬼潭 舊志在大演溪

谷潭 舊志在城西二十五里

明 鄭三俊谷潭口

片石居江滸錦紋生雪浪千秋常在茲皓皓不可尙

焦潭 舊志在南唐灣

羅潭 采訪冊在梅村

脈水潭 采訪冊在城東七十里南河賽中兩岸多怪石其水窅然而深云有龍藏焉

響水灘 舊志在城北半里許

黃沙灘 舊志在城西五里

花園灘 舊志灘有二一在鎮江門內元萬戶曲律不花遊憩之所一在昭明廟後俗謂梁太子所遊者妄

百六灘 舊志溯桂家灘而上至高田村為灘者百有六以名

貴池縣志

卷四

輿地志 山川三

桂家灘 舊志在殷家匯東北十五里

蕭家灘 舊志在桂家灘上十里

以上漆志參各志並附新纂

橫河 同治十年知府陳介璋見清溪壩內田地草廠多被水淹倡捐諭邑董金秉彝在百牙山東北新開一河謂之橫河

新纂

洲套

武梁洲

關子圩洲

新生洲

七里灘洲

都斷湖洲

花子冲洲

平天湖洲

安子港上段洲

安子港下段洲

烏沙夾上段洲

烏沙夾中段洲

烏沙夾下段洲

馬料湖上段洲

馬料湖下段洲

黃湓街洲

峙頭河上段洲

峙頭河下段洲

東陂汊洲

埠山觜洲

谷潭洲

麻埠壕上段洲

麻埠壕中段洲

麻埠壕下段洲

清溪街洲

貴池縣志

卷四

輿地志 山川三

二八

查村洲

斗門圩洲

倉基墩洲

陳家湖洲

黃沙河劉村西岸洲

岳港洲

許村觜洲

劉賽溝一段洲

劉賽溝二段洲

劉賽溝三段洲

劉賽溝四段洲

劉賽溝五段洲

黃龍磯洲

烏杜湖洲

踏橋湖洲

黃家灣洲

白浦圩洲

余家灘洲

五埠上灣洲

五埠下灣洲

大沖泊洲

姚家溝洲

丁家港洲

繪潭湖洲

李家湖洲

前湖一段洲

前湖二段洲

前湖三段洲

牛頭洲

破山湖洲

古夾上段洲

夾一作家

古夾中段洲

古夾下段洲

小磯頭洲

小磯二段洲

實竹溝洲

貴池縣志

卷四

輿地志 山川三

二九

唐田湖洲

東塘湖洲

復丈洲

新洲

鳥落一段洲

鳥落二段洲

鳥落三段洲

鳥落四段洲

官州一段洲

官州二段洲

官州三段洲

大賽湖洲

梅裏洲

齊山碑石洲

杜家賽洲

杜家洲

戴家洲

雁落洲

雁落尾洲

白沙洲

子洲

祭魚洲

鵝鳩觜洲

以上俱舊志

按劉廷鑾貴池掌故洲之名凡六十分段凡八十三賦役全書萬厯間蘆課原額銀九百七十一兩八錢有奇天啟間新增銀九百五十兩八釐有奇水腳銀四兩七錢五分有奇倍於原額順治五年丈量增至四千有奇其弊竇匪一狀其病民匪一端甚至不須價值持以予人惟恐若弗受者惟當事其留心焉

貴池縣志

卷四

輿地志 山川三

三十

丁家洲

大賽洲

新生洲

小上洲

麻上洲

麻中洲

武梁洲

佘家洲

麻下洲

古下洲

五下洲

黃東洲

新洲

姚家洲

小下洲

天字單洲

人字單洲

五下洲

外甲內地人和四單

鳥三洲

關子洲

官中洲

牛頭洲

戴家洲

鳥中洲

五上洲

花河
戸

官上洲

古上洲

黃西洲

清溪洲

黃龍洲

鳥二洲

官下洲

地字單洲

白沙洲

鳥上洲

古中洲

貴池縣志

卷四

輿地志 山川三

鳥一洲

和字單洲

鳥下洲

鳥四洲

小磯洲

大沖洲

以上
濱江

梅裏洲

陳家洲

唐田洲

踏橋洲

斗門洲

東陂洲

流三洲

平天洲

前二洲

峙頭洲

東塘洲

倉基洲

破山洲

花子洲

杜家洲

七里洲

前一洲

安上洲

谷潭洲

腹漲洲

埠山洲

流五洲

許村洲

李家洲

查東洲

黃家洲

碑石洲

馬上洲

流四洲

實竹洲

貴池縣志

卷四

輿地志 山川三

三三一

流二洲

前三洲

白捕洲

馬下洲

黃湓洲

安下洲

增潭洲

流一洲

岳港洲

隴杜洲

都斷洲

以上
腹內

按以上各洲分爲濱江三十八

天地人和四單
歸五外甲

腹內

四十一共計七十九洲俱係現在定章

新纂

東套

楊家套

爛泥套

鍋底套

白沙套

老套

上草套

下草套

鬼頸套

鯉魚套

九股套

蓮花套

黑山背套

穆家上套

穆家下套

丁家套

廟背套

黃板橋套

豐家賽套

史家潑套

貴池縣志

卷四

輿地志 山川三

三三三

仙人蕩套

塔橋湖套

項賽套

黃土背套

靈明灣套

烏魚港套

大嶺溝套

小嶺溝套

余家潑套

童家境套

谷賽套

流賽套

東陂汊套

陳家湖套

官材蕩套

歐陽湖套

大賽套

烏杜套

安子港套

上白沙套

下白沙套

東家蕩套

杜家賽套

包家賽套

許家賽套

芭芒溝套

橫河套

長河套

屋基墩套

官窰背套

齊山湖套

蛇湖溝套

楊林溝套

李塘圩套

王家圩套

雁湖溝套

貴池縣志

卷四

輿地志 山川三

三四

沙夾套

麻埠寮套

瀕江產蟹

以上漆志附新纂

棠溪

李志在城南
百里崇義鄉

大剡溪

李志在興孝鄉一稱大演黃山源之
水出於是溪直下高田有字說有詩

石渡河

李志去杜
隴十里

炭埠港

李志在城
西二十里

深潭港

李志在興
孝鄉檀村

潘家灣

李志在城北清溪下三
里有魚池楊萬里有詩

女蘿潭

李志曹參芳
劉襄祚有詩

泥灣 李志在秋浦上流吳應箕有詩

竹溪 李志近源頭王氏世居之

南畝溪 李志水出原四保章村下白洋經清溪

待月溪 李志在秀山

白沙港 李志去殷家匯十餘里

月港 李志在城北十里麻布壕水入大江

楊葉洲 寰宇記在縣西北二十里大江中長五里闊三里如楊葉見通志

以上新增

七家溝 采訪册在郡北距城四十里新建石橋名曰濟津

貴池縣志

卷四

輿地志 山川三

三五

犢兒洲 采訪册在烏上洲九甲外結長新洲故名犢兒洲

白泥溝 采訪册在梅根上湖泥皆黑色此獨白色故名距羅隱墓不遠相傳隱常垂釣於此

以上新纂

井泉

錫福井 舊志在鳳凰街永賴坊之側明知府顧元鏡丁卯年清出以救火厄采訪册此井日久湮沒居民建宅其上城

中屢災嘉慶二十年知縣胡周詢重浚甃以石闌里人賴焉

桂以嗣錫福井

永賴坊下錫福井井泉汨汨清以冷朝夕汲飲思源頭太守

為民禦災甞短瓶長綆年復年滄海一變成桑田居民盤踞

宅其上父老過此空留連人身血脈須流行通者忽塞百病
生火龍往往降空際霹靂四震天冥冥城頭哀鴻嗚不住長
官憐之察其故靈池畢竟神物呵丹砂仙蹟焉銷磨重開瓦
礫見真面天漿湧出如傾河河流不竭甘且美長官之德如
此水

陳公井

宋志在崇義坊側即今
府城市心街南三眼井

高士井

舊志在府
城試門

制風井

采訪册在城東南五十里先是居人廬舍
多被蟻侵後遇老叟指開此井永免蟻患

龍井

采訪册在城南五十里鑿自唐宋間其水出
沒隱現忽溢忽涸灌溉田畝居民受惠不淺

貴池縣志

卷四

輿地志 山川三

三六

蓮花井

采訪册在舞鸞鄉距城五十里何姓宅後近新河壩其
水四時不竭夏涼冬溫時有蓮花生其中明大學士何

如龍
題名

柏木林石井

采訪册在梅村距城七十里其泉大
旱不竭冬溫夏涼時有芝草生其旁

汪珊柏木林石井詩

種草勿種蔓樹木勿樹棘棘木豈無陰爲非歲寒質桂氏吾
姻黨詩書承祖德牛眠卜此邱古柏滿林植葉葉露剛勁枝
枝撐正直何難鬪春華雪霜恐改色靈氣生甫申行將式南
國君看林下井清泉流不息

天井

采訪册在梅村清泉自湧非由
人鑿灌田數十餘畝雖旱不涸

按舜井包公金家諸井編入古蹟

以上漆志

龍泉

李志在崇賢鄉湧石洞出
云泉達自龍湫波及甚遠

東阮泉

李志在仁三保毛嶺北發源僅濫觴其流漸大而行
注於玉鏡潭隨泉脈所及者作堰十五所又名豐泉

紫泉

李志在紫巖

雪泉

李志在大剡阮萬厯間
吳經邦題劉廷鸞有詩

查亭泉

李志在查家山
近南唐灣

以上新增

貴池縣志

卷四

輿地志 山川三

三七

